



SAL. 00297/ 25.01.12 09:28

Á vista do escrito de dona M^a Lourdes Montero Mesa, Catedrática de Didáctica e Organización Escolar da Universidade de Compostela e Coordinadora do Grupo de Investigación Stellae (GI1439), polo que manifesta a súa disposición a recibir alumnos/as para a realización dos Practicum das titulacións impartidas na Facultade de Ciencias da Educación, matriculados na Universidade de Santiago de Compostela esta REITORÍA

-Considerando que o Grupo de Investigación Stellae arriba citado está integrado na Universidade de Santiago de Compostela.

-Considerando que é vontade da Universidade potenciar a realización de actividades de formación, especialización e prácticas no ámbito dos estudos das titulacións da Facultade de Ciencias da Educación, coa finalidade de contribuír a unha mellor e máis completa formación e cualificación do estudantado.

RESOLVE

Autorizar a realización dos Practicum do alumnado da Facultade de Ciencia da Educación dentro do Proxecto Titulado “ *Desarrollo del conocimiento profesional a través del Plan de Estudios de Grado de Maestro en Educación Primaria.Perspectivas del alumnado y el profesorado* do Programa Nacional de Proxectos de Investigación Fundamental dentro do marco do IV Plan Nacional de Investigación Científica, Desenvolvemento e Innovación Tecnolóxica 2008-2011, que se realizarán conforme ao seguinte réxime:

- Durante o período non lectivo, as prácticas que realicen os alumnos/as constarán de 30 horas semanais. Durante o período lectivo a dedicación máxima será de 15 horas, salvo casos excepcionais. Computarase un crédito ECTS por cada vinte e cinco horas de prácticas, segundo e establecido nos plano de estudos.
- Estas prácticas realizaranse no período que determine a Facultade de Ciencias da Educación de acordo coa Coordinadora do Grupo de Investigación e concretaranse nas convocatorias que faga a USC.
- Ningún alumno/a terá a posibilidade de prorrogar ou repetir as prácticas realizadas ao abeiro deste convenio.
- Estas prácticas non comportarán compensación económica algunha. O feito de que o alumnado realice prácticas no GI1439 non suporá ningún tipo de relación laboral coa Universidade nin determinará a existencia de ningunha responsabilidade pola súa parte.
- Os alumnos/as que van realizar o Practicum serán seleccionados consonte unha convocatoria que respectará os principios de publicidade, igualdade, obxectividade e mérito.
- A Facultade de Ciencias da Educación nomeará a un titor/a, que realizará o seguimento dos Practicum dos alumnos. Así mesmo, o GI1439 nomeará a un titor/a deste centro que supervisará as prácticas realizadas polo alumno.
- Ao remate de cada período de prácticas cada un dos alumnos/as deberá realizar unha memoria final sobre o traballo realizado.

- A avaliación das prácticas realizaraa a USC a través do titor/-a, á vista da devandita memoria e do informe do titor/-a de prácticas do GI1439..
- As prácticas soamente poderán ser avaliadas favorablemente se a ausencia do alumno/a non excede do 15% das horas programadas, ou o que determine a guía docente do programa de estudos.
Se a avaliación da memoria é positiva e o informe da actuación do alumno/a favorable, o responsable do GI1439 emitirá por cada un dos estudantes que participaran con regularidade nas prácticas unha certificación na que debe constar o tempo de colaboración e as actividades, traballos de investigación ou avaliación, etc. realizados.
A certificación deberá especificar que, para os efectos académicos, queda supeditada á avaliación que realice a USC das prácticas.
- Aqueles alumnos/as que teñan menos de vinte e oito anos seguen baixo a protección do seguro escolar. Non obstante, no caso de prácticas nas que concorra un risco excepcional, deberá contratarse un seguro de responsabilidade civil ou de accidentes

Santiago de Compostela, 22 de marzo de 2012

O REITOR



Casares Long

**SRA. DECANA DA FACULTADE DE CIENCIAS DA EDUCACION
D^a. MARIA LOURDES MONTERO MESA, COORDINADORA DO GI1439
SR. XEFE DO SERVIZO DE XESTIÓN ACADÉMICA
SRA. DIRECTORA DA OFICINA DE INFORMACIÓN UNIVERSITARIA**